

正陽縣志

袁乃寬署

重修正陽縣志目錄

卷首

序

凡例

修志姓名

目錄

圖

縣總圖
巖宮圖

五區分圖
黃公祠圖

城關圖

四大鎮圖

卷一

地理

星野
山脈

疆域沿革
河流

縣治形勢
水利

距離道里
古蹟

疆界道里
古蹟考
治區沿革

建置

城池
工廠

街巷
營防

官署
舊蹟

局所
壇廟宗祠

學校
寨堡

倉廩

卷二

政治

縣政組織
自治機關

政治沿革
爵職紀

民政
職官表

軍政
政績傳

警政

司法

財務

田賦附加捐

公款機關

稅項

捐項

雜項

交通

驛站郵政
電報

道路

橋梁

津渡

水運

實業

農業
牧業

林業
商業

動物鳥獸魚蟲
工業

漁業

蠶業

蜂業

卷三

教育

學宮
學校

學規
典禮

教官
鄉儀

書院
風俗節序

義學
宗教

教育機關

選舉

徵辟

科貢

議員

學校畢業

大事記

附清鄉局
普濟堂

振務會
育嬰堂

慈善局
養濟院

政黨沿革

卷四

人物

附方技

游寓

卷五

人物

卷六

藝文

經傳

著作書目
集文

卷七

藝文

集文

集詩

卷八

藝文

集詩

金石

卷末

雜綴

軼事

異聞

舊志序

重修正陽縣志卷五

總纂 光山

堯初 陳全三

編纂 邑人

益三 潘守謙
漁村 呂兆璜
少章 吳彬詒
子翔 鄒鵬雲
屏亞 蕭廷藩
紹宣

校正 邑人

趙憲章

人物志 列女

商

太任。摯國女。周文王母。史稱其端一誠莊。惟德之行。生子昌。有聖瑞。禮稱其妊文王時。目不邪視。耳不傾聽。口無傲言。席不正不坐。謂之胎教。大雅。思齊。大明。二章。詠其身世。德行。綦詳。見藝文志。

漢

戴氏五女。皆漢慎陽戴良女也。資性嚴明。勤事女工。質貌雖不殊。咸克遵家訓。而婦

德甚備。有求婚。良輒便許嫁。粗裳布被。竹筥木履。以遣之。節操行誼。有隱者風焉。

見後漢書

晉

李氏。絡秀。晉安城周顗母。顗父俊。爲安東將軍。出獵遇雨。止絡秀家。會其父兄不在。絡秀與一婢。於內宰豬羊。具數十人饌。甚精辦。而不聞人聲。使覘之。見二女子甚美。俊因求爲妾。其父兄初不許。絡秀曰。門戶殄瘁。何惜一女。若聯姻貴族。將來或大益父兄。許之。遂生顗。及嵩。謨。

見晉書

明

張氏。張五之女。方六七歲時。有媒妁議婚者。適見之。曰。女首有瘡矣。女以爲辱己。遂泣涕。誓不嫁人。及瘡愈。堅守前誓。父母強之。便欲自殺。至九十六歲而終。入祀節孝祠。橫山烈婦者。不知其誰氏。亦不知其夫爲誰氏。以其家於橫山。故稱橫山烈婦云。嘉靖三十三年。大盜任泰據橫山。聚衆千人。流劫州縣。當道檄信陽衛。及汝陽。真陽。確山。官兵會剿。時烈婦之夫。方荷鋤田間。爲兵所執。送之縣。杖殺之。烈婦走覓其夫。辨於積屍

中仰天大哭曰。嗟乎冤哉。爲盜者誰。而殺吾夫。負而歸。哭六日不絕聲。死。遂同穴焉。行路聞而悲之。後三十年。趙忠毅南星。爲作橫山烈婦詩。

氏。陳嘉言妻。夫死守節。事舅姑。以孝稱。事聞。詔旌其門。入祀節孝祠。

徐氏。樂元妻。年二十六。元亡。撫遺腹子九成。非歲時祭掃。未嘗出閫外。尋九成又夭。苦節六十年。而終。事聞。旌表。入祀節孝祠。

氏。生員胡英妻。年二十四。英亡。有女方八月。張欲從以死。舅姑止之。乃竭力女工。上事舅姑。下撫遺女。守節四十餘年。縣官旌其閭。入祀節孝祠。

氏。陳汝謨妻。年三十。汝謨亡。無子女。有勸其嫁者。氏矢於天曰。我爲陳氏婦。將從陳氏於地下。寧能復事人。苟活耶。自是無敢言者。年七十而終。入祀節孝祠。

生員裴景度。世居南關。萬歷年間人。祖母某。早年喪夫。景度父尙襁褓。某守之成立。娶陳氏。生景度。甫三歲而孤。陳苦節撫之。既長。娶某氏。無出。景度又卒。卒三日。陳促窆。景度。景度婦曰。不可。骨未冷也。卒之三月。陳又促窆。婦曰。不可。服未終也。至三年。陳又促

空。婦曰。不可。二寡婦未終也。陳泣慰之曰。汝知寡婦苦耶。我當日有子有家。事足以守。汝萬不如我。萬一回想。晚矣。陳氏姑亦相向痛哭。婦卒不改節。學官劉嘉聞其事。匾於門曰。栢舟並美。月給穀數斗。後遭寇。焚闕廂而死。陳氏入祀節孝祠。其二婦。姓氏失傳。

氏。生員王銘妻。年十八夫死。長子基固。二歲。次子際。方月餘。族有利其產。迫之嫁者。氏不從。誓撫二子。以爲諸生。年七十六終。縣官表其廬。入祀節孝祠。

氏。生員陳侶妻。夫死。子甫一歲。家貧。誓不再適。苦節撫孤。年八十餘。死于寇難。入祀節孝祠。

范大姐。范世文女。許聘邑人段我子。華黼。黼以摘棗墜傷左足。其父請辭婚焉。女聞之。泣語其母曰。天作婚姻。一言已定。壻之不幸。吾之命也。貧富好醜。願生死以之。後黼病死。女時年十四。痛哭欲往弔。其父兄止之。不得行。乃請以生平女紅。及遺嫁衣飾。悉歸段。其母曰。此物尚可留爲異日用。女曰。段子不可再起。吾物可再用乎。遂登樓自縊。

事聞，詔旌其門，入祀節孝祠。

寇氏，王瓚妻，瓚病死。氏年十七，欲殉其夫。閨戶自經者三，屢爲姑救，不得死。遂自矢，不茹葷衣，縞素經歲餘，猶痛哭如初喪。家貧，有議婚者，姑陰許之。氏偵知，卽托疾不食而死。事聞，旌表入祀節孝祠。

楊氏，周懋德妻。土寇王舟掠於村，懋德與父重光、弟之德俱遇害。兄志德亦被創垂死。氏携二子，逃匿他所。翼延夫祀，未幾，相繼殤亡。遂殉夫，自經而死。其母族楊可誨棺葬之。

曹氏，龔可印妻。年二十，夫死。子欽，方三歲，撫之成立。崇禎乙亥，寇至被圍。氏懼辱身，投井死。

馬氏，明順德府同知王泳繼妻。夫亡，氏方年少，家甚貧。辟纘織屨，撫三子，皆成諸生。卒年七十四。知縣王信表其閭。

清

周氏許大金妻。夫早亡。矢志守節。撫孤成立。孫曾俱成諸生。卒年八十有五。順治十八年。奉旨建坊旌表。入祀節孝祠。

李氏生員雷雨辰妻。夫歿。氏甫二十五。子聲揚。方二歲。氏甘貧苦守。撫孤名成。臺使給匾表之。入祀節孝祠。

房氏生員龔行繼妻。流寇至。欲殺其子。氏請以身代。曰。若殺吾子。異日何顏見夫於地下。寇感而去。

萬氏徐湖妻。早寡。以節自矢。一女適張景文。亦早寡。母女守志以終。

萬氏儲彥妻。少寡守節。教子成名。子昌叩歲貢生。河陰訓導。氏年八十而終。

張氏張好妻。年十八而寡。守子自修成立。苦節五十餘年。而卒。

許氏生員袁思閔妻。早年孀居。撫三子成立。少子綱廩生。

翟氏馮大化妻。大化早死。氏撫子守節。備極艱苦。而孫俱成諸生。

張氏顧進忠妻。入祀節孝祠。

劉氏，庠生王之純妻。夫死，氏年二十四，欲以身殉。嫗族以子幼力勸至再，乃不死。家貧，率長子七歲，次子五歲，負土成墳，延師教子。自甘淡泊，束修取辦十指。子遵道貢成均，遵路遵義，並食餼于庠，全節而終。入祀節孝祠。

鍾氏，田育明妻。年十九歸田，生一女，甫三歲，子方三月。崇禎壬午夏，城破，舉家被擄。氏自縊，賊以刀砍繩，刺左脇而去。逾時，氏甦。至十一月，聞賊復攻真陽，育明再擄去，莫知所終。氏憂憤成疾，未幾爲子女畢婚嫁，遂絕粒六日而死。時在順治甲午，士民陳其事于縣，詳請臺使題旌，入祀節孝祠。

楊老姐，玉璧女。八歲許字龔洪典爲妻。未嫁而洪典夭。老姐投環數次不死。時父母已老，家貧無子。老姐誓爲龔姓守節，奉父母以終。紳士呈縣，詳請具題。乾隆五年旌，入祀節孝祠。

陳惠姐，邑民陳太女。九歲許字秦喬齡爲妻。寄養於秦。未及婚而夫歿。舅姑在堂，惠姐剪髮納夫棺內，以明不二。代夫奉養二人。姑患療疾，在牀褥者數年。惠姐侍奉益謹。舅

姑歿。營葬事畢。煢煢無依。遂歸奉父母。守節四十餘年。知縣彭良弼高其節行。獎以布四匹、銀十兩。乾隆五十九年。詳請題旌。

劉氏、葉芳妻。早寡家貧。矢志守節。以耕織自給。撫子惠生成立。年八十而終。

姜氏、張大妻。年二十八夫亡。守節。遺二子。家貧。令長子宣讀書。次子習貿易。後各成立。宣以廩膳生。久次膺恩貢。氏年八十二而終。

王氏、生員雷克化妻。以不受汙辱。羞忿而死。年甫二十有三。於乾隆二年。附請旌表。入祀節孝祠。

崔氏、李仙元妻。年二十九。仙元亡。誓以死殉。家人勸止之。僞語人曰。我死。我夫誰上食矣。徐擇夫兄子爲嗣。遂自縊而死。距夫亡兩月。

金氏、王載寧妻。年十九歸王。甫浹旬。夫病不起。氏誓不獨生。夫歿。勺水不入口者三日。家人偵守之。乘隙自經夫棺側而死。

張氏、楊宗思妻。未逾年。而夫死。舅姑年老。旦夕謹事之。氏父母私爲議婚。氏知之。遂

自經而死。時年十九。里人有爲詩哀之者。

趙氏。王近誠妻。年十八歸王。越四年而寡。子建全甫一歲。氏守節撫之。舅姑在堂。竭力奉養。並以孝聞。卒年六十一。

王氏。黃禹妻。年十九而嫁。二十四夫亡。遺孤天佑三歲。孀姑在堂。氏矢志養姑撫子。家貧。紡績以贍。一日天佑失足墮水。氏聞趨救出之。已死。方抱子慟哭。則姑又以痛孫投井。氏捨子赴姑。幸已爲鄉鄰人拯活。而天佑亦甦。徐乃謂姑曰。脫今日姑死。子喪。媳亦無生理。黃氏絕矣。辛苦守節。歷四十年而終。

單氏。王德彰妻。年十七適王。生子岱。方五歲。而德彰歿。時祖姑潘。姑朱。俱存。三世孀居。氏奉養二老。撫育孤兒。克慈克孝。守節五十餘年。而卒。

湯氏。李希禹妻。年十八而嫁。二十而寡。學生一男一女。僅一週。家貧。紡績自給。兄嫂早歿。遺女撫如己出。年七十八。以節終。

王氏。雷純妻。年十八適純。僅一載而純死。有遺腹子。後三月而生。家貧。以撫孤自誓。

苦節四十餘年。教子成立。家賴以興。

姚氏。監生任國佐妻。年二十二而寡。撫孤不育。零丁孤苦。守節四十餘年而終。

徐氏。吳作新妻。年二十六而寡。遺二子一女。方離襁褓。祖姑年已垂盡。與舅姑俱在堂。氏竭力侍奉。以養以葬。盡禮盡哀。支持家事。撫育子女。以節孝賢能著稱。

張氏。周鐸妻。年十七而嫁。二年而夫死。上有舅姑。下無子女。氏守節事親。養葬如禮。年七十三而歿。

王氏。徐思進妻。年二十四而寡。姑勸之改適。氏誓不二天。孝事舅姑。撫子景洙成立。年六十七而終。

田氏。皮耀妻。年二十七。夫亡。遺二子。撫之。守節歷四十年而終。

陳氏。生員楊維杰妻。嫁五年。未生子而寡。時年二十四。誓以身殉。家人勸止之。乃立嗣以守。嗣子又殤。苦節三十餘年。足不踰閭外。里黨罕見其面。

李氏。馮開勳妻。本周氏女。少失恃。隨姑育於李。嫁馮三年而寡。子來儀方一歲。姑老。

且病。弟妹皆幼弱。氏上事下撫。食蓼茹荼。守節五十餘年。來儀成諸生。請於學使徐光文。表其節行。

胡氏。生員王以節妻。嫁六載而夫死。時氏年二十二。姑老子幼。曲盡孝慈。苦節五十餘年。

景氏。王迎昆妻。年十五爲婦。未幾值歲大飢。夫久出不歸。氏孝事孀姑。教養子女。貞潔自矢。四十餘年。

張氏。王信妻。年二十歸王。未逾年而信死。苦節自守。撫姪爲子。年六十而歿。

曹氏。周璽妻。早寡無子。舅老且病。氏竭力侍奉。終其餘年。遺夫弟廣尙幼。教養成人。年八十三而終。

周氏。張紹禮妻。年二十六夫死。撫三子守節。長子樹霖補諸生。

董氏。張柱妻。年二十七夫亡。子甫六月。撫孤守節。孝事舅姑。年五十九而終。

陳氏。王振妻。適王六年。夫死。遺孤繼殤。氏矢志不二。以姪孫天智爲後。亦娶於陳。又

早寡。撫子體謙。守節事祖姑。孝謹。未幾。體謙夭歿。茹苦完貞。

張氏。戴元同妻。年十九歸戴。二十三而寡。姑年七旬。遺子僅一週。薄田五畝。氏盡力事農。夜勤紡績。事親教子。守節終老。

李氏。張玉振妻。夫亡時。年二十八。家貧。勵節撫育遺孤。紡績自給者。四十餘年。

王氏。王文福妻。年十七嫁文福。越八年福死。遺二子。食貧守志。年七十而終。

劉氏。戴興妻。年二十三夫亡。守節。僅遺一女。夫弟姪三歲餘。亦失怙恃。氏撫之成立。經營喪葬婚嫁。年五十四以終。

余氏。生員劉承漢繼妻。年二十八生三子。而夫亡。矢志守節。撫前房之子。與己子等。事姑至孝。養葬皆盡禮。縣官表其門。孫炎勳廩生。

林氏。張能恭妻。年十七適張。二年夫亡。舅姑憐其年少。欲嫁之。氏誓不改志。撫姪爲嗣。守節六十餘年。而終。

王氏。生員袁珩妻。年二十一珩死。一子二女。俱幼。家貧。舅不諳生計。令携子女。歸母。